



瀋水三春集卷十二目錄

詩五

聞調任志喜

旋京公餞

留別五部侍郎

留別京兆吳穎菴

留別陸卷阿民部

和陸卷阿贈別元韻

閏六月起程



句驪河

道中看雲

五更早發

錦州道中

途中新月

望醫巫閭山

種秫行

道中見鴉有懷遼陽

老馬行

途中遇雨

過松山喜晴

早行

夕陽

初晴

途次有懷遼陽諸同官

大凌河魚市行

復過寧遠

望海二首

途中喜晴

途中望北鎮山

關山月

途中遇阿侍郎

村莊二首

野眺

將入關途次遇雨

姜女吟

入姜女祠見文文山題聯感而有賦

入關

初入關聞蟬

余塞北三年遼東半載不知有暑亦無所事扇

今入關正當殘夏餘暑薰蒸始知湘簟之有

功也為作歌以紀

止宿謠

中途泥淖

晨雞高樹鳴

途中見田禾茂盛志喜

旅店靜坐聞松濤聲口占

過永平有懷韓昌黎歌

渡灤河

暮行

夜雨

暑中過僧寺

過蘆峰口

馬上夜吟自遣

野店步月

食瓜引

食冰引

雨後聞蟬

暑夜

早渡通州河

通州道中

將入

京望見齊化門情殷向

闕敬成長歌

名見勤政殿

瀋水三春集卷十二

納蘭常安履坦著

男珉全校

琇

琦

詩五

聞調任志喜

衝風踏雪出重關忝備

陪京司馬班已幸殘軀離瀚海得乘逸興望閭山

廟謨遠大慙無補

新政綢繆不待閑

恩命忽聞還

鳳闕據鞍顧盼喜生顏

旋京公餞

長亭紛紛離筵設如澠之酒滿榼挈酒闌攜手更叮
嚀知是殷勤念我別記來遼海春猶淺殘雪風吹寒
雲捲靖共朝夕得同心一觴一詠情懷展而今旋都
正及夏野花綠重紅都謝對此清尊送我心未忍脂
車遽命駕猶餘斜日且堅坐徙倚莫惜蒼苔破他日

兩地劇相思好寄新詩頻相和

留別五部侍郎

別君欲向京華路旗亭判袂驪駒賦趨程豈得顧離
情却惜清樽無計住故人翩翩遼海上化理政成醇
風暢從今不用更箴規共知黽勉官無曠

朝端輔弼良非易敢以譎才虛重寄臨別贈言君子心
惠我何以襄職事揮手先近老邊驛漸及山海巖關
出燕都到來秋風新知君念我為計日

留別京兆吳穎菴

相逢傾蓋一歡然俯仰俄驚已十年浪迹如萍嗟別
後淡交似水憶從前鸞鳳羽翼高逾健金石心情久
更堅重上河梁漫惆悵

玉墀彈指定班聯

留別陸卷阿民部

藹藹斜陽色照此臨岐柳薄宦已經時忘懷共朋友
各有濟物心談笑消塵垢

聖主念舊臣承

詔赴恐後奚童治行裝策馬亟趨走顧此素契人倉猝成

分手四野白雲飛悵望凝眸久君負出羣才宜在

彤廷右別離諒非長指日期聚首且對驪駒歌飲盡長

亭酒

和陸卷阿贈別元韻

詞壇旗鼓久曾聞偶向遼東挹紫氛白雪和稀憐絕
調青錢價重羨高文松齋接武看秋月藥圃過從話
夕曛有約金臺須早踐暫分不必惜離羣

閏六月起程

下車踰六月奉

名將南馳炎風吹我裳
蘊隆動離思

陪京本重地同官多新知
朝夕得促席氣味蘭與芝

君命不敢緩握別有餘悲
傾城出餞送紛紛集車旗
滿斟馬湏酒齊歌折柳詞
聚散不足歎後會應有期
行渡句驪河疎林薄炎曦
河水清泚泚岸草青離離
回首瀋陽城控馬一棲遲

句驪河

長河流不斷十里即雷聞
欲渡遼城界惟憑巨浸分
月昏還照影風定亦生紋
濕氣將爲雨先連海島雲

道中看雲

山光樹色馬前橫
遙指孤雲似有情
斜日欲沉天欲暝
飄搖猶伴旅人行

五更早發

纔聽黃雞報五更
嚴程又自束裝行
半輪殘月山頭落
幾點疎星樹杪明
郵驛乍辭羈夢醒
塵埃未起客衫輕
曉風拂面消煩暑
默數郵籤近

帝京

錦州道中

潛水三春集 卷十二 四
峇嶷紫荆望石嶺風吹不動雲留影九華山勢去透
迤日照晴嵐開異境錦州遙見金墉築如帶如盤周
平陸鞞鞞鐘聲起暮煙高樓飛閣重且復每恨茫茫
易千古今來雉堞仍安堵

聖朝有德自綏柔豈直赴桓誇虢虎驅馬脂車行程迫柳
色青青牽古驛欲問松山與杏山更剔孤燈坐永夕

途中新月

歸雲拂袖露沾巾微月纖纖弄彩新暑夜一勾涼似
水征途片影澹無塵方斜恰照林端鵲欲落還窺馬

上人漸斂蛾眉煙四起趨程猶未憩車輪

望醫巫閭山

生與名山勤結願登陟倍覺神形健七尺枯藤屐一
雙探竒寧藉旁人勸北鎮盤紆勢騰沓雲去雲來自
開闔長風不散嶺邊嵐往往怪石相礪磕天清氣朗
望欲極如丹如翠成殊色石屏方廣一丈餘苔侵蘚
蝕懸崖側南北杳冥斜通竇空明遙指天光透有誰
健筆可凌雲作得鴻篇刻深岫桃花之洞開縹緲瀑
花飛溜時噴繞疑珠疑玉挂長空影落蒼山匹練小

見說神仙曾往來今日惟留石一片或者徧禮重跨
鶴層巒疊嶂仍遊徧我聞虞封山十二幽州作鎮當
北地興雲施雨惠蒼生植圭瘞幣從職事況逢我
朝嚴祭告牽牲列鼎達微奧百神咸被

聖主恩効順各將靈異報我今敷治頻策馬執轡搖鞭行
原野若承望秩到茲山敢憚明裡奠三雅

王程匆匆未能曠咫尺岩堯詎可上願將仰盼矢精誠却
與高山寫情狀

種秫行

莫誇粳米長莫羨菰穗密昨宵雨正濃繞塍看種秫
阿兒負耒翁扶犁三日五日秧初齊健婦把鋤立隴
上與與翌翌遍東西轉眼垂垂看結子如雲搖漾清
風裡出磴何辭日夜忙霏霏玉粒稱香美道上行人
不須歸曉炊正熟雞正肥但願年年秫成熟瓦盆新
酒還堪漉

道中見鴉有懷遼陽

桑間三宿自依依回首遼陽見翠微只有飛鴉千萬
點晚來還認舊巢歸

老馬行

莫將絲縵愁長路何論關河行難度老去霜蹄力未
衰尚看蹠躩風隨步憶昔馳驅到瀚海入雲山色倚
崔嵬雪片滿天大於箕朔吹似剪侵營壘軺車獨駕
意騰驤冰花踏碎走蒼茫雁磧龍沙路萬里死生相
托歷三霜轉眼銜勒赴遼水硯礪更覺趨程駛逸足
遙衝十丈塵飛馳不用加鞭箠而今更向燕山道陰
雲漠漠多霖滂幾番嗥雨更嘶風郵驛旋看五花到
且來惠養在槽廐焦毛細剪連錢就向晨刷飲汲清

泉入夜飽餐給芻豆噫吁嘻歷久更覺此馬良却想
當年田子方

途中遇雨

行李無長物依然跋涉難片雲籠遠岫驟雨濕征鞍
林鳥深潛樹河魚急溯灘前村泥濘處敲火作晨餐
過松山喜晴

過雨消煩暑旗亭濁酒濃綠殘沙樹滴白破野雲封
歸夢迷幽壑羈魂警曉鐘松山何處是不見一株松
早行

宿潤侵衣早幽花破鼻聞野風常在水初日不離雲
地迴浮埃散天遙疊嶺分歸心逐飛鳥振翮自羣羣

夕陽

風掃殘雲淨遠山如翠螺橋邊沙路闊柳外夕陽多
初晴

返照收殘雨輕雷過別峯松山何處是猶被白雲封
途次有懷遼陽諸同官

曉日照征衣對此臨岐柳我行郵驛異離索思良友
憶自莅遼陽旦夕同攜手庶政共咨諏盡愛情懷剖

此日向

京華獨醉旗亭酒前路去益遙幾經川與阜何時共高
歌歡然仍聚首計日聽履聲離別諒非久

大凌河魚市行

君不見見遼海汪洋望無極就中物產最滋殖泳游潑
刺弄長波紅尾青鬣非一色巨網斜牽當水面千縈
百結羣施罾長竿嫋嫋漾空明香餌投綸垂欲遍須
臾鼓柁錦鱗出咫尺便與長流失紛紛競向大凌河
兩圻餘腥筐筥溢曉日上市門闐闐闐啓百種積販

鬻重重認分地依屢置肆無纖隙輕鱗愛細小如銀
色皎晶跳躑尚噉喙已出重淵表巨口偃額長比人
鼓鬣揚腮若有神欲躍未躍半泥土猶見倔强沫吐
頻就中誰憐樂浪尉生時身蹈洪波沸魂魄悠悠久
未泯化爲鱗魚觸羅罽養人庖子駢肩入霏霏作鱸
鼓刀立紅肌素膚落冰盤銀花錦縷斯須集我來遼
左初停轍清吟往往臨澄澈未肯作鮓墜清風亦欲
懸魚慕高節今向

京華重回首又見施瓜與設留自是渥澤盡涵濡悠然

且酌旗亭酒

復過寧遠

一年兩度馳驅迫春雨如絲夏雲赤廣寧舊衛慣徘徊
迴魂夢之中驚郵驛來時匆遽銜

朝命全遼撫綏勤布令空將巒阜指桃花遙見層嵐相
掩映去日行李侵濃露一鞭奔走不肯住豈直西部
事經心踰時竊深

闕廷慕依然雙樹餘舊築臨野進餐當風宿受
恩方愧報稱難莫論往還行太速

望海二首

岡頭獨立望滄溟一帶平沙接杳冥水氣晴空飛霧
雨濤聲白晝走雷霆紛紛遠看帆檣落渺渺孤懸島
嶼青此日長風如可借乘槎直欲泛天星

又

望入滄波萬象幽鴻濛氣向此中留全遼地闊東西
判孤嶠天空日夜浮神效貝琛輸作貢水平蛟蜃罷
爲樓昔遊涉遍江湖路翻笑江湖是細流

途中喜晴

濯枝雨畏阻征程何意涼颼作晚晴馬首山高銜日
影樹頭雲散斷雷聲揚鞭不畏緇塵觸拂袖偏宜暑
氣清漫說時和占稼穡輕裝先慰旅人情

途中望北鎮山

關外名山王氣鍾雲端北鎮是虞封翠屏突兀標三
字碧嶂回環抱六重遙望霞飛如綺繡近聞澗響似
笙鏞春秋牲玉尊

朝典應作中原五岳宗

關山月

關山路迢遙屹嶮盤空度下有野草簇簇帶沙飛上
有高高之月皎晶和濃露月中照見崇墉影巖城已
鐫宵方永蒼煙四起山寂寥玉漏聲中夜耿耿戍兒
連袂上高樓樓頭羌管吹悠悠醉飲馬湏看太白鬱
蔥佳氣橫斗牛我來把轡當殘夏滿眼空濛金波瀉
乘高自愛好風吹清光相對宜良夜須臾蒼茫曉色
上遠聽喔喔羣雞鳴冰輪漸側陰轉斜稀星欲落天
宇曠秣馬呼僮待啓關

京華西望五雲間回首尚餘殘月影一痕遙挂翠微山

途中遇阿侍郎

平生未識面相逢且共語我是入關人君乃出關侶
于役不辭勞何須分爾汝遼陽我經時敷治竭心膂
敢云治績成宏綱差可舉閭閻風俗淳種藝多禾黍
薄醉亦易謀小槽流清醕今君來保障比屋得安處
石上坐論心斜日照村墅微風吹客衣暝煙生浦溆
整轡各馳驅分手猶延佇

村莊二首

遼東野人家賓從豈常有疎林澹夕陽卧犬籬根守

不速客前來依依迎村口相邀入茅堂舉室歡奔走
盤盃飭奚童厨餐命中婦宴客無雜肴臨畦摘嫩菲
堂前老瓦盆醺醪斟新酒一醉天已昏情懷如故友
老叟前致辭明朝重過否

又

炊煙雜柳煙野水亂溪水野意足移情去山不數里
翠屏列參差柴門容徙倚修林出乳鴉深草藏飛雉
晨夕並陰晴景物殊佳美可以策征駒尋詩煙霞裡

野眺

野色渺無際河流一線分雄關看更遠極目萬重雲
將入關途次遇雨

陰雲似戀山中住靉靆靉靆遼陽路依微遙接村舍
煙溟茫遮斷津頭樹初聞啼鳩相喚急漸覺輕風生
習習如傾如注挾關來馬毛成片沙塵浥須臾亂飄
兼密洒電掣雷轟鳴曠野驟如玉女頭盆翻遠如天
漢銀河瀉是時長途正繚緲一望平疇流浩淼咫尺
便聞澎湃聲滌洄蕩瀟兩岸杳憑誰畫得空濛出殊
是襄陽米家筆風雨歸來荷

聖恩衣囊沾濕髮梳櫛却想千村種種稔衆夫祭雩祈霽
霖雨師今喜沛滂沱佇見倉箱歌比屋衝泥且自向
旗亭簷溜泔泔未肯停明朝更過松山去待看日出
亂峰青

姜女吟

柳絲作線線不長竹風墮粉粉不香一生苦作征人
婦日日登高望渺茫征人侵曉忙結束腰間大羽懸
金鏃去復去遠山曲怨復怨野草綠軍書卷卷催行
促恨乏長繩係馬足程嚴不得暫躑躅却歎分離何

太酷相送上高城城外喧鼓聲行人不可見但見野
雲橫轉眼秋來西風逼孤蓬飛霜作寒色故衣誰補
空歎息篋中布素親手織裁成送到長城側長城白
骨積如麻征人盡已委黃沙一聲長號不歸去幽魂
同逐天之涯皎皎天邊月曉沒宵復出渺渺山上雲
從風無還日君不見至今祠前有餘芳有樹不棲野
鴛鴦

入姜女祠見文文山題聯感而有賦

聯曰秦皇安在哉萬里長城築怨姜女未亡也千秋片石銘貞按文山被執後元人遷之

朔漠者三年今鄂爾昆有故文丞相城合此
証之則知史所稱留京三年坐卧一小樓者
謬也余曾有文丞相
城記辨其事甚詳

嚴霜不摧貞女魂寒月常照忠臣節貞魂忠節足千
秋孤城一望同淒絕寂寂荒祠關外築疎影淒涼盤
古木當年有恨與城平此日題辭堪鬼哭銀鈎鐵畫
勢迴環苔封蘚護何斑斕我來扼腕摩挲讀依稀認
是文文山文山此來誠可痛飄零萬里執羈鞚楚客
南冠曉怯風新亭餘淚宵成凍却想宦遊當瀚海舊
時甃甃依然在朔漠三年共此心縱經拘困何曾悔

貞女不朽應爲石忠臣有血今成碧數語還同正氣
歌何忍蕭條沒遺跡俯仰堦除日將暮荒煙祠外蒼
然度欲鞭馬去更徘徊猶思暗壁留題處
入關

出關復入關致身隨所使瞻仰近

天顏臣心竊私喜矯首望金臺鬱蔥惟

帝里向時戀

闕心於今纔尺咫司寇職讞議平反舊稱美一手上下間
捫心固深耻拜

命亟趨程冰兢益自矢馳驅道路中未惜馬行駛回首老
邊墻蒼茫見遼水

初入關聞蟬

物態與人心乘秋俱清絕微雲淡不飛蟬聲聽欲徹
我昔官瀚海白草沙中茁承

恩移遼陽山寒多積雪念爾抱恨聲頓成幾歲別此日入
嚴關依依隨車轍關上柳條疎五更聞幽咽感我客
夢醒相對語何切我行積昏晨向

關心如結長亭復短亭放歌不暫輟爾聲亦未停情同我

怡悅

京華湛露多可以遂高潔

余塞北三年遼東半載不知有暑亦無所事扇
今入關正當殘夏餘暑薰蒸始知湘筴之有
功也爲作歌以紀

避暑莫愛雲有陰輕雲一去渺難尋却暑莫望風頻
發赤龍南翔少女歌我有湘竹扇鋪篔簹銀花薄採藤
自剡溪金刀剪錯落中含明月影清光生隱約宴坐
幾相親習習涼颼作瀚海山高積雪遼陽水闊層

冰結衝雪敲冰何凜冽幾經盛夏無炎熱顧爾飄搖
久遠別而今整轡來關裡鬱蒸每見炎光起安得掌
上便生秋頓令客路涼於水更從箱篋取輕篔羽綃
不厭手頻夾白鶴翻空松籟清朝餐暮宿渾相狎從
此驅暑仍除垢皎潔提攜當座右清涼趣味懷中知
正好殷勤稱執友

止宿謠

勸君莫揮魯陽戈浪誇日馭返羲和勸君且就良宵
枕夢覺蘧蘧堪燕寢野店臨岐容客旅室無飛蚊壁

無鼠明燈熠燿照征途更籌歷歷思寧處小奚運行
囊迎客語匆忙左手把絲轡右手挈荆筐使君坐有
煖席餐黃梁盤有嘉魚鯉與魴村醪啓甕梨花香奴
弛負擔坐徜徉馬噉豆萁飽且強明朝日出君早行
鬱蔥遙望是

神京

中途泥淖

殘夏多淫潦野水積成谿平坡漾微瀾一望無町畦
停轡商所向古道半漫迷宿煙傍馬頭荇葉縈馬蹄

澤九三春集 卷十二
馬行殊澁縮豈爲惜障泥憶自命行李越阜更經蹊
幾當曉月上還看夕陽低今晨值苦雨咫尺失東西
晴霽未可必深樹鳩頻啼呼僮更整駕底事盼虹霓

晨雞高樹鳴

鼙鼓罷嚴城晨雞應候鳴扶桑初引吭聞闔共聞聲
喔喔喚殘夢霏霏曉煙生呼羣經幾度清響徹長路
何必盡棲埒且自依深樹拂葉少塵埃登枝承雨露
文衣翠綵揚赤幘蓮花裝飽啄三秋黍高啼九陌光
笑烏驚夜月先鳳鳴朝陽見說蟠桃上天雞獨擅場
途中見田禾茂盛志喜

茲晨傳語切亦復近芬芳知應愛高潔豈戀祝雞鄉
我歸山行峰如簇一片禾苗出平陸斯民乃是天所
育暘不愆期雨如沐令宰名爲代天牧循俗之分非
一族循者早謀三九蓄俗者胥吏滿山谷胥吏詬租
羣鷂鯨雞不停飛犬上屋丁男走避婦女哭追呼情
形在我目今喜場圃村村築佇見盈困貯種稔高原
下濕同時熟老者衣帛而食肉從來循吏多後福寄
語銓曹急收錄

旅店靜坐聞松濤聲口占

為愛濤聲起樹間
拂塵獨坐對煙鬟
鸞鳴鶴唳疑相似
不及江湖去復還

過永平有懷韓昌黎歌

在天欲為縹緲之七星
斟酌元氣橫蒼冥
在地欲為嵯峨靈嶽鬱峯岭
雄鎮東夏乃有七十二君薦香馨
星辰不沒山不改
千載猶見公精靈
驅車永平思吏部
扶日駮雲稱獨步
文章特起迴狂瀾
淫哇息響奏韶濩
磊磊大節更薄雲
霄高扶掖綱常心
獨勞至今

昌黎之水溟海旬波濤
混茫時聽長風號
就中祠宇設靈幃
吏民歲歲薦牲醪
我來遙望想風騷
徘徊欲去還勒馬
默默追思當曠野
安得此生公同時
與公把臂誦公詩
每恨不見古人面
今日於公信有之

渡灤河

灤河之水從東流
淼淼百折環通州
盧龍塞口遷安驛
竹箭如駛波如油
我來觸熱當炎夏
榴花火發青蒲抽
鳴榔擊汰正思濟
欲渡不渡翻夷猶
須臾墨雲飛四塞
渺瀰下撼洪波浮
水天相際只一氣
茫茫不

見村前洲却看虹蜺亘霄漢坦坦一葦杭吾舟憶自
遼陽命車轍陰雲漠漠傍馬頭亦有高山懸崩峯
巒巒疊嵐翠稠此日帆開乘浩渺溯洄又作水上游
咫尺青青臨柳坼酒旗遙颺蘭漿收却喜

京華望欲近永平西去更凝眸

暮行

征途侵暝色埃館接煙莎羸馬鞭仍緩寒雲斷復多
鐘聲鳴樹杪月影落山坡略彳傾溪側何堪薄暮過
夜雨

霏微一夜雨聲多曉見田疇長嫩禾高架水車茅屋
上豆棚深處唱村歌

暑中過僧寺

行客倦長途況當火再伏消暘思甘泉花宮見林麓
路入苔蘚中陰森生喬木野花異紅紫繞砌自芬馥
老僧扶筇來引入深深屋楞伽經幾卷煙霞圖一軸
暫憩絕煩囂松風吹謾謾月團剪新茶乳芽烹易熟
頓覺客思清何事憂炎燠安得向桑間徘徊且三宿

過蘆峰口

卷十二
六
疊嶂參差抱羣峰遠近青望迷天一握路入石雙扃
官柳連山寺溪花接驛亭行行看不厭題壁記曾經
馬上夜吟自遣

四山蒼茫曖深霧戍樓甍篋聲喧暮漸覺黃昏暑氣
清客不停鞭駟馬去林裏歸鴉棲復驚林外飛螢滅
更明出林平坡路沙漠依依馬上促長征憶我宦遊
控羈勒轉盼星霜凡幾歷

昇平欲報矢微忱每倚嚴關思奏績何期趨程來
日下長途又見輶車駕不盡迢遙向

關心豈論征行當良夜

南望

京華思耿耿郵驛幾更夜色永把轡行來露未晞朗吟
搖動星辰影

野店步月

嚴程侵暑日百里袞袞浮埃馬前起道旁酒旆閃明
燈暮靄蒼蒼息行李瓊蟾搖漾最多情似逐羈人到
處行素影輝輝垂碧落流光皎皎照前楹却憶關河
見明月幾度馳驅猶未歇細數郵籤路尚遙獨對冰

輪仰

魏闕徘徊矯首望雲衢
九陌今宵景不殊
璧采定應澄玉宇
瑤華亦自滿金鋪
徒倚不知夜將半
愈見疎星淡
河漢竹簟繩牀且暫眠
明朝前路應重玩

食瓜引

莫誇邵平園莫說侯氏圃

留京土地稱沃饒
瓜瓞懸延難具數
初見弱蔓迎朝旭
漸看垂垂引蒼玉
傾筐猶帶滿園風
金刃初投剖濃綠
就中美讓遼陽青
芬芳一望繞畦町
盈盤乍見水

晶裂沁齒旋知瓊液零
幾度官衙嘗佳實
玉瓣粉瓢香無匹
滿把露色與雲陰
顆顆新鮮勝崖蜜
而今遠道勤驅騁
碧圓又見稱甘冷
停車每愛當瓜疇
浸入清泉味偏永
日下曾經頻領畧
猶思殊品羅紛錯
到來應是夏將殘
更可連阡並咀嚼

食冰引

君不見漭漭長河流
百丈窮冬凜冽寒
威壯就中纍纍上
層冰
沍玉堆瓊遙相望
畏日流金石
炎蒸逼絺綌
入口愛清寒
皎皎流雲液
我遊塞北並遼水
飄搖

時聽霜風駛縱有驕陽暑不知三年未識冰花美而
今關右旋車轍蟬聲已聽猶餘熱稜稜素影出凌陰
清練欲披玻璃結滿嚼自應消道喝不須牽車蔭林
樾敢說臣心清似冰夙夜兢兢依

帝闕

雨後聞蟬

帶潤聲添滑含風韻更清古槐與綠柳雨後並多情
暑夜

暑難成寐漏三更獨自開門繞砌行踏遍清陰明月

下露華滿地聽虫鳴

早渡通州河

欲沉殘月影蒼蒼露氣霏微望渺茫載馬船回呼野
渡臨城水阻束行裝北流梗泛千尋木南岸雲屯萬
舳糧飛越層波天已曉遙看曛日射扶桑

通州道中

未分曉色已登路遙聽鐘聲隔岸度榆柳稍頭星漸
稀馬蹄沾濕石橋露萬艘啣尾帶風來邪許聲喧臨
古渡香秬流脂玉粒肥千倉萬箱東南賦平明日照

天儲開車馬蜂屯蟻團聚穰穰熙熙載道歌飽食盡喜
饗殮具我從瀋水入關門啜粟飲水復含哺望中遙
見五雲高鳳城隱隱上林樹

將入

京望見齊化門情殷向

闕敬成長歌

馬策長鞭車駕轅征行幾帶曉煙昏曛曩日色上朝
暎隆崇遙見齊化門去時春未洩層冰看如結渺茫
之雲匝地飛冷艷飄搖舞朔雪此時重來露如瀉薰

風吹遍當殘夏親朋迎我叙心知把臂班荆垂柳下
噫吁嘻臣心只似藿與葵長記東隅傾向時東隅照
耀敷暄淑葵根藿葉戴恩施自從銜

命遼海側雲日瞻依情何極欲報

高厚展微忱惟有龜勉勤供職却喜趨程依

輦轂佇看侍直班聯肅匆忙且勿換征衣呼僮更使催行

速

名見勤政殿

屏息聽傳

禁漏鐘

彤墀委珮步從容
螭頭已列金吾仗

黼座猶堆絳簡封

天語殷勤咨輔弼

宸衷愷惻重民農
退朝不覺花陰轉
攜得香煙自

九重



